

## Эркак ва аёл фазлиниң үлчови иймондир



13:05 / 27.11.2019 2802

:Аллоҳ таоло Қуръони Каримда шундай марҳамат қиласи

وَلَوْ مُشْرِكٌ مِّنْ خَيْرٍ مُّؤْمِنَةٌ وَلَاَمَةٌ يُؤْمِنُ حَتَّىٰ الْمُشْرِكُونَ كَتَنِكِحُوْا وَلَا

وَلَوْ مُشْرِكٌ مِّنْ خَيْرٍ مُّؤْمِنٌ وَلَعَبْدٌ يُؤْمِنُوا حَتَّىٰ الْمُشْرِكِينَ تُنِكِحُوْا وَلَا أَعْجَبَتُكُمْ

وَبِئْنَ يُإِذْنِهِ وَالْمَغْفِرَةُ الْجَنَّةُ إِلَى يَدِهِمْ وَاللَّهُ الْنَّارُ إِلَى يَدِهِمْ أُولَئِكَ أَعْجَبَكُمْ

۲۲۱ ﴿يَتَذَكَّرُونَ لِعَلَّهُمْ لِلنَّاسِ إِيمَانٌ﴾

Мушрикаларни иймон келтирмагунларича никоҳингизга олманг. Шубҳасиз, мўмина чўри мушрикадан, гарчи у сизни қизиқтиrsa ҳам, яхшидир. Ва мушриклар иймонга келмагунларича, уларга никоҳлаб берманг. Шубҳасиз, мўмин қул мушрикдан, гарчи у сизни қизиқтиrsa ҳам, яхшидир. Анавилар ўт-оловга чақиравлар. Аллоҳ эса Ўз изни ила жаннатга ва мағфиратга чақирап ҳамда одамларга Ўз оятларини баён қиласидир. Шоядки, эслатма олсалар. (*Бақара сураси 221-оят*)

Никоҳ инсоний алоқалар ичида энг муқаддас ва аҳамиятлисиdir. Бу алоқа одам боласининг қўплаб хоҳиш-истакларига жавоб беради. Никоҳдаги икки шахс бир-бирига энг яқин шахслар ҳисобланадилар. Бу ҳолга эришиш аввало, қалбларнинг бирлашмоғини, қалбларнинг бирлашмоғи эса ақийда бирлигини тақозо этади. Чунки ҳар бир инсоннинг ҳаётий йўлини белгилайдиган ўлчов унинг диний нуқтаи назари бўлади. Шу боисдан Исломда ақийдаси бузук аёлларга уйланиш, мушрик эркакларга турмушга чиқиш ман этилади.

«Мушрикаларни иймон келтирмагунларича никоҳингизга олманг».

Мусулмон эркак Ислом ақийдасидан ўзга ақийдадаги мушрика аёлга уйланиши мумкин эмас. Лекин у аёл ўз динини тарқ этиб, Ислом динига кириб, мўмина бўлса, шундан кейин уйланса бўлади. Бу ҳукмдан яхудий ва масиҳий динидаги аёллар мустасно. Улар ўз динларида турсалар ҳам, мусулмон эркак уларга уйланса бўлади. Бошқа оятлар муносабати билан бу масалани яна ўрганамиз, иншааллоҳ.

Мушрика аёлларга уйланиши ман қилгандан кейин Аллоҳ таоло аёлларнинг қай бири Ўзининг ҳузурида яхши эканини баён қилмоқда:

«Шубҳасиз, мўмина чўри мушрикадан, гарчи у сизни қизиқтиrsa ҳам, яхшидир».

Аллоҳнинг ҳузурида аёл кишининг яхши-ёмонлигини ўлчашдаги бош мезон унинг иймонидир. Агар аёл киши чўри бўлса ҳам, мўмина бўлса, бас, бошқа

ҳар қандай аёлдан яхшидир. Тўғри, мушрика аёл ўзининг озодлиги, хуснижамоли, шакли-шамоили, мол-дунёси, насли-насаби ва яна қандайдир жиҳатлари билан эркакларни қизиқтириши, уларга ёқиши мумкин. Лекин мушрикалиги, иймонининг йўқлиги, Аллоҳга ширк келтириши ҳамма нарсадан ёмон. Ундаи мушрика аёлдан чўри бўлса ҳам, хунук бўлса ҳам, камбағал бўлса ҳам, насли-насаби гўё паст бўлса ҳам, мўмина аёл яхшидир. Қалбидаги иймони уни юқори даражаларга олиб чиқади.

Шунингдек, мўмина аёлларнинг мушрик эркакларга турмушга чиқишлари, уларга никоҳланишлари қатъиян ман қилинади:

«Ва мушриклар иймонга келмагунларича, уларга никоҳлаб берманг».

Яъни мўминаларни уларнинг никоҳига берманг. Муслима-мўмина аёллар мусулмон эркакдан бошқа эркакка турмушга чиқишлари мутлақо мумкин эмас. Агар у эркак Исломга кириб, мўмин бўлсагина, рухсат бўлади.

Хатто эркак яҳудий ёки масихий динида бўлса ҳам, муслима аёлнинг унга никоҳланиши ҳаром. Фақат мусулмон эркак бўлиши шарт. Пайғамбаримиз алайҳиссолату вассалом: «Биз аҳли китобнинг аёлларига уйланамиз, улар бизнинг аёлларимизга уйланмайдилар», – деганлар.

Худди аёлларга ўхшаб, эркаклар фазлининг ўлчови ҳам иймондир:

«Шубҳасиз, мўмин қул мушрикдан, гарчи у сизни қизиқтирса ҳам, яхшидир».

Яъни эркак киши қул бўлса ҳам, агар мўмин бўлса, бас, бошқа иймонсиз эркаклардан яхшидир...

Эркак бўлсин, аёл бўлсин, иймонсизлиги, мушриклиги жуда ёмон, ким улар билан алоқада бўлса, хусусан, никоҳ каби муқаддас ва нозик алоқада бўлса, касофати уради. Урганда ҳам, энг ҳассос нуқтада – ақийда бобида уради ва инсон ўз турмуш ўртоғига эргашиб, динидан чиқиб кетиши хавфи бор. Шунинг учун оятда:

**«Анавилар ўт-оловга чақираплар»**, – дейилади.

Анавилар (мушриклар) ўzlари билан бирга бўлганларни мушрикликка, бу дегани, дўзах ўтига чақирадилар.

«Аллоҳ эса Ўз изни ила жаннатга ва мағфиратга чақирап ҳамда одамларга Ўз оятларини баён қиласадир. Шоядки, эслатма олсалар».

Шунинг учун Аллоҳ таолонинг баён қилиб берган оятларига амал қилиб яшаш керак.

**«Тафсири Ҳилол» китобидан**